



Siumut sinnerlugu Inatsisartuni ilaasortaq
Malik Berthelsen
/MAANI

§ 37 naapertorlugu apeqqummut akissut

Asasara Malik Berthelsen

Imaattumik uannut apeqquteqarputit:

**KNI / Pilersuisumut kiffartuussinissamik nutaamik isumaqatigiissutissaq
aqqutigalugu innuttaasut naatitanik akikinnerusunik pisisinnalernissaat
Naalakkersuisunit anguniarneqarnerluni?**

Kiffartuunneqarnissamik isumaqatigiissut maanna atuuttoq atorlugu nunaqarfinni isorliunerusunilu innuttaasut nioqqutissanik tunngaviusunik, paarnat naatitallu nutaat, qerisut aanaveersakkallu ilanngullugit, najukkani Pilersuisup pisiniarfiini pissarsinnaanissaq, kiisalu nioqqutissanut taakkununga akit, nunap sinnerani inuussutissanut akit agguaqatigiissinnerinut nallersuunneqarsinnaasut atorlugit innuttaasut pisisinnaanissaat qulakkeerneqartarpoq.

Nioqqutissanik pilersuineq pillugu KNI-mut nutaamik sullinneqarnissamik isumaqatigiissusiornermut atatillugu allaffeqarfimma KNI suleqatigalugu, qanoq iliorluni nioqqutissat tunngaviusut Inuussutissalerinermut Siunnersuisoqatigiit inassuteqaataanik annertunerusumik naammassinniffiusinnaanersut misissuiffiginiaarpaa, taamaalilluni isorliunerusuni nunaqarfinnilu inuussutissanik peqqinnartunik pissarsinnaanissaq ullumikkornit annertunerulissalluni.

Pingaaruteqarporli nioqqutissat tunngaviusut suli tassaassammata, nioqqutissat inunnit *piumaneqartut*, aammalu tassaassanngimmata nioqqutissat uagut qitiusuminngaanniit inuit *pisiasariaqagaattut* isumaqarfigisavut.

Aningaasalli kiffartuunneqarnissamik isumaqatigiissutinut immikkoortinneqartut iluanni – uanga naliliinera malillugu – illit siunnersuutigisattut kiffartuunneqarnissamik isumaqatigiissutit aqqutigalugit Pilersuisup pisiniarfiini paarnat naatitallu akiinik appasitsisinissamut immikkut ittumik tapiissuteqarnissamut akissaqanngilagut. Paarnat naatitallu ullumikkornit akikinnerulersinneqassappata nioqqutissanut allanut sullissineq ajornerulertariaqassaaq imaluunniit akitsuisoqartariaqassalluni. Naalakkersuisut isumaat malillugu tamanna innuttaasut soqutigisarinnigilaat.

Tamatuma saniatigut isumaqarpunga, aammattaaq illoqarfinni ilaqutariit isertitakitsut paarnanik naatitanillu, karrinik aseqquluttunik tunisassianik il.il. pisinngitsortartut. Imaangikkaluortoq peqqinnartumik inoorusunnginnamik, kisiannili akissaqannginnertik

06. september 2011
Sagsnr. 2011-054476
Dok. Nr. 718399

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl

pissutigisarpaat. Imaluunniit allatut oqaatigalugu: Inuiaqatigiittut nioqqutissat aalajangersimasut innuttaasut peqqissusaannut siuarsaataasutut naliliiffigisavut tapiissuteqartarnitsigut akikinnerulersissagutsigit, tamanna nuna tamakkerlugu innuttaasunut tamanut nuannaarutaasunik suliniuteqarnitsigut pisariaqarpoq.

Taamaattumik Naalackersuisut maannarpiaq kiffartuunneqarnissamik isumaqatigiissutit aqqutigalugit Pilersuisup pisiniarfiini paarnat naatitallu akikinnerulersinniarlugit immikkut ittumik tapiissuteqarnissamut pilersaaruteqanngillat.

Neriuppunga matuma siuliani akissutiga naammaginantissagit, aammalu apeqquteqarninnut qutsavigaakkit.

Inussiarnersumik inuulluaqqusillunga

Jens B. Frederiksen